



Cumün da Valsot

Poz 86 • CH-7556 Ramosch
Tel. +41 (0)81 861 00 60 • Fax +41 (0)81 861 00 61 • info@valsot.ch • www.valsot.ch

Affischa

Suprastanza cumünala dals 10.8.2015

Presidi: Peer-Puorger Victor
Partecipant/s: Mayer-Schlegel Armon
Molinaro-Andry Mario
Notegen-Melcher Men
Riatsch-Fedi Fadri
Protocol: Luzzi-Barblan Georg
Fabrica: Paulmichl-Rodigari Albin

tractandas	tema	respunsabel
98	012 Executiva Acconsentimaint protocol	tuots
99	020 Administraziun cumünala Persunal cumünal Elecziun manader administraziun	vp
100	020 Administraziun cumünala Persunal cumünal Decisiun persunal; magister	vp
101	810 Administraziun forestala Proget uffizi forestal Valsot	am
102	021 Administraziun da fabrica Dum. da fabrica no. 041/2015, Müdamaint portas da garascha, Garage-Pneuhaus GmbH, Parc. 4913, Plan da Muglin	vp/ap
103	021 Administraziun da fabrica Dum. da fabrica no. 035/2015, Fabrichar ün'abitaziun cun garascha our dal tablà, fouras geotermicas, Gmür-Zorzi Fiorella, Parc. 279, Schilana	vp/ap
104	021 Administraziun da fabrica Dum. da fabrica no. 033/2015, Ingrondimaint chamonna da üert, Fonseca Magalhães Moreira Näff Barbla Ursina, Parc. 195, Plaz	vp/ap
105	021 Administraziun da fabrica Dum. da fabrica no. 031/2015, Panels solars, ingrondimaint piazza tschantar, parait da vent, Neuhaus-Kropf Cla, Parc. 246, Salina	vp/ap
106	621 Vias champestras Rendaquint; proget via Plajet - Aua Muglinera (via 11)	vp/ap
107	801 Vias champestras Surpassamaint vías champestras	vp
108	012 Executiva Orientaziuns	tuots
109	012 Executiva Varia (suprastanza cumünala)	tuots

012 Executiva

98 **Acconsentimaint protocol**

Il protocol dals 27.07.2015 vegn approvà.

020 Administraziun cumünala

99 **Persunal cumünal**

Elecziun manader administraziun

Il capo infuorma sur dal andamaint a regard la piazza vacanta dal manader administraziun. Il capo ha gnü contact cun sar Marco Fallet chi'd es actualmaing suppleant dal chanzlist da Scuol. El ha inoltrà seis interess per surtour la piazza sco manader administraziun. Il capo infuorma co chi'd es gnü a quist contact. Sar Marco Fallet es eir preschaint. Il capo preschainta ils suprastants e commembers da la direcziun. Marco Fallet as metta avant ed infuorma sur dals motivs da si'annunzcha. Davo sia preschantaziun ha la suprastanza cumünala la pussibilità da far dumondas. La suprastanza cumünala decida unanim d'eleger a sar Marco Fallet sco nouv manader administraziun e commember da la direcziun.

020 Administraziun cumünala

100 **Persunal cumünal**

Decisiun persunal; magister

Il capo infuorma cha la collavuraziun cul magister secundar das-cha uossa gnir desditta per la fin dal on da scoula 2015/16. Il capo preschainta la desditta. La suprastanza cumünala acconsentischa la desditta e decida da tilla trametter.

810 Administraziun forestala

101 **Proget uffizi forestal Valsot**

Armon Mayer preschainta il stadi actual a regard la realisaziun dal proget pel uffizi forestal. Il böt da la preschantaziun es, cha la suprastanza acconsentischa differents pass inoltrats per pudair inchaminar inavant cul proget. La preschantaziun muossa via süllas lavurs, la rendita, las investiziuns, il congual cun cumüns vaschins, il organigram, la collavuraziun, il congual da las uras da lavur da tuot ils cumüns, il persunal els giarsuns. Il prüm pass es uossa cha las suprastanzas cumünalas han da decider sch'els dessan realisar üna cumünanza da maschinas sur tuot las gestiuns forestalas dals cumüns in Engiadina Bassa. La suprastanza cumünala decida per il model C, resp. per la fundaziun d'ün « rinch da maschinas » tanter tuot ils cumüns in Engiadina Bassa. La collavuraziun, la partecipaziun, il persunal e las competenzas ston gnir elavuradas amo in detagl. Ils cumüns da Scuol e Zernez decidan amo d'ürant il mais avuost 2015.

021 Administraziun da fabrica

102 **Dum. da fabrica no. 041/2015, Müdamaint portas da garascha, Garage-Pneuhaus GmbH, Parc. 4913, Plan da Muglin**

La ditta vül müdar oura las portas d'entrada da lur garascha. La dumonda es in uorden.

021 Administraziun da fabrica

103 **Dum. da fabrica no. 035/2015, Fabrichar ün'abitaziun cun garascha our dal tablà, fouras geotermicas, Gmür-Zorzi Fiorella, Parc. 279, Schilana**

La famiglia Gmür ha inoltrà üna dumonda per far oura ün'abitaziun our dal tablà. Las plazzas da parcar necessarias sun avantman implü es eir avantman ün permiss per fabrichar plü dastrusch vers la parcella da duonna L.Riatsch. La fatschada vers süd dess gnir surlavurada. La cumbinaziun dal lain el vaider nun es ideal. La suprastanza da l'acconsentimaint pel intent culla cundiziun da surlavurar la fatschada vers süd. Il permis segua cur chi'd es entrà la nouva varianta da la fatschada.

021 Administraziun da fabrica

104 **Dum. da fabrica no. 033/2015, Ingrondimaint chamonna da üert, Fonseca Magalhães Moreira Näff Barbla Ursina, Parc. 195, Plaz**

Barbla Ursina Moreira ha inoltrà la dumonda per ingrondir la chamonna da üert. La dumonda es in uorden.

021 Administraziun da fabrica

105 **Dum. da fabrica no. 031/2015, Panels solars, ingrondimaint piazza tschantar, parait da vent, Neuhaus-Kropf Cla, Parc. 246, Salina**

La famiglia Neuhaus ha inoltrà ün proget per realisar panels solars vers vest da la chasa. Davo ils panels prevezza el d'ingrondir la piazza fin cunter ils panels. La piazza retschaiva üna saiv da vaider. La suprastanza decida cun 4 cunter 1 per acconsentir il proget.

621 Vias champestras

106 **Rendaquint; proget via Plajet - Aua Muglinera (via 11)**

Il capo infuorma sur dal andamaint dal proget surmanzunà. La famiglia Laurent nun es pronta da's participar culs cuosts. Il vicecapo es stat a la sezzüda insembel cul manader tecnic el giurist cumünal davant il güdisch da pasch. Il cunter parti ha fat la proposta da pajar fr. 18'000.00. Plü tard han els dozà sün fr. 19'000.00. Il cumün ha adüna pretais minimalmaing fr. 20'000.00. La suprastanza decida d'instar sül import da fr. 20'000.00. Ils cuosts chaschunats dessan gnir partits, ulteriurs recuors regard la nischa per la cabina da forza nu das-chan seguir.

801 Vias champestras

107 **Surpassamaint vias champestras**

Ün automobilist ha transi sülla via champestra da Griosch fin pro sia chamonna (vers Chöglias) sainza permis. Tal automobilist ha infuormà ch'el es landervia a fabricar oura la chamonna e sto perquai transir cun material. La suprastanza decida ch'el das-cha transir explicit be per realisar quist fabricat. La disposiziun vegn annullada.

012 Executiva

108 **Orientaziuns**

Reto Rauch ha preschantà al capo il concept per far la müdada da la Bieraria Tschlin SA. Ün fuond sto gnir refat, quella lavur dess gnir surtutta dal possessur dal object, voul dir dal cumün. Ils cuosts per quista lavur s'amuntan sün fr. 20'000.00. Aves la radunanza da decider da cumprar l'object, dess il cumün surtour la lavur da la surtratta dal fuond (Überzug) sainza l'elavuraziun dal fuond special per liquids agressivs. Il grü existent nu gniss utilisà, tal pudess gnir vendü.

Reto Rauch ha implü eir elavurà ün concept per la chasa da l'administraziun illa fracziun da Tschlin. Il capo preschainta il concept da la chasa BUN TSCHLIN. Il concept dess gnir prosequi.

012 Executiva

109 **Varia (suprastanza cumünala)**

Ingünas remarchas.

7556 Ramosch, 13.08.2015



Il capo:

Il manader administraziun: